



**Juris Canonici Theoria Et Praxis, Ad Forum Tam  
Sacramentale quàm contentiosum, tum Ecclesiasticum,  
tum Seculare**

**Cabassut, Jean**

**Lugduni, 1698**

XXIX. Selecta quædam & præcipua jura donationum.

---

[urn:nbn:de:hbz:466:1-62355](#)

ditoribus non sufficiunt, anteriores quidem recipiunt in solidum, & excluduntur posteriores. Similiter si omnibus hypothecam habentibus sufficiunt, ut tamen chirographariis nihil supersit, ita omnes omni suo jure frustrantur. Si vero postquam de integro singulis tam generalem quam specialem habentibus hypothecam satisfactum fuerit, supersint aliqua bona, que tamen omnibus personalibus creditoribus minime sufficiant, nullus habetur respectus anteriorum, aut posteriorum hujusmodi creditorum; sed que subsunt bona in tributum veniunt, hoc est ita distribuantur, ut nemo ex illis de integro excludatur, neque de integro seu in solidum recipiat, sed singulis aliquid distribuantur ad proportionem sum quantitatis rei debite, cum quantitatis bonorum quae distrahitur, iuxta d.l. *Pro debito*, C. de bon. author. jud. possid. & l. *Si fundum*, C. qui potior, in pign. hab. Actionem illam inter chirographarios, & tantum personales creditores tributoriam Pragmatici vocant *Déconfiture*, ou *Contribution au sol la livre*.

X I. Quæsitum est utrum venditori afferenda sit tacita & privilegia hypotheca super re vendita pro ejusdem pretio? Jus commune hanc ei denegat hypothecam, solamque concedit ei personalem actionem adversum emptorem, l. *Incivile* 13, C. de rei vendicat. & l. *Qui ea lege* 3, C. de pacis int. empt. & vend. Ceterum in toto Gallia Regno jus oppositum viget, sed ut etiam in provinciis Jure Romano utentibus venditori tacita indulgetur hypotheca pro pretio super re vendita; cuius favore præfertur anterioribus etiam hypothecariis creditoribus, dummodo res vendita penes emptorem eusve haeredem permaneat, neque distracta sit. Et sane hac in parte major effulget species æquitatis. Sic ex provincia scripti Juris Oliva Tolosas lib. 4. cap. 10. ex provinciis vero Juris consuetudinarii Louetus lib. P, cap. 19. & Brodeus ejus Scholiastes, & Mornacius ad l. *Procuratorii*, §. *Plane*, D. de tributor. act.



## C A P U T X X I X.

*Selecta quadam, & præcipua jura donationum.*

I. **M**ULTAE restituendi obligationes dimanant ex jure donationum. Itaque visum est ad ceteros restitutionum fontes hunc postremum tractatum adjungere. Quavis ex sui natura donatione sit contractus irrevocabilis, si fiat inter vivos, l. *Aristo*, D. de donat. sunt tamen quatuor præcipuae cause ob quas permittunt leges illam revocari. Prima est ingratitudine donatarii, l. fin. C. de revoc. donat. Nec solum ob quinque ingratitudinis causas ea lege expressas, sed etiam

etiam ut docet *Glossa* ibid. verbo *Voluerit*, ob alias similes, aut graviores causas: nam & filius exhaeredari a patre legitime potest ex aliis ingratitudinis causis quam a Jure expressis, ut probat Julius Clarus lib. 3. *Sentent.* §. *Testamenum*, quæst. 41. verbo *Sed quero*. Secunda revocanda donationis causa est supervenientia liberorum, ne paterna quæ præcessit liberalitas vergat in horum detrimentum, l. *Si unquam*, & ibi *Glossa*, C. de revoc. donat. Tertia causa est si sit inofficiosa donatio, de qua toto tit. de inoffic. donat. Qua in re ita distinguendum, ut si donatio sit inofficiosa re tantum, revocanda sit usque ad legitimam necessariis heredibus, sive ian natis, sive supernascentibus debitam, l. 1. 2. & 3. C. cod. Si inofficiosa sit re simul & consilio, revocari in totum debet, juxta Bartolom. & alios communiter *Dotores*, quos refert & sequitur Clarus §. *Donatio*. Atque hoc jus vigerit in Gallia, ut tradunt Erostratus Gallicanus tract. de inoffic. donat. & docib. num. 59. & Papo lib. i. Placitorum, tit. 1. num. 6. Vide ad hoc l. *Titia Sæc.* §. *Imperator*, juncta *Glossa*, D. de legato 2. Dicitur inofficiosa *Donatio* re simul & consilio, quam facit ex proposito pater in filiorum damnum. At ubi abfuerit prava illa voluntas liberis nocendi, erit inofficiosa re tantum. Eadem reductio usque ad legitimam paritatione locum habet in præfata causa supervenientia liberorum. In cunctis tamen his causis nulla modicarum donationum habetur ratio, neque sit ulla revocatio. Quarta demum revocandi causa est si quid donatum sit ob causam, minime sequutâ causâ. Revocatur enim ipso jure, & donatori competit rei vindicatio, l. 1. C. de donat. ob caus.

\* 11. Disceptatum fuit, utrum donatio propter nuprias facta per minorem in gratianu nuptiarum cognati pariter minoris, rescindi possit favore minoris etatis? Et quidem adversus illam restitu in integrum posse donatorem, solenni in Togis Purpureis ac Latiscaviis Senatusconsulto judicatum fuit Aquis Sextiis inter nobiles fratres ambos minoris etatis Claudium Grafsé Comitem Bacii, & Henricum Grafsé, hunc donatarii, illumque donatorem, presidente Guillelmo Vairy Senatus Princeps, qui & hanc decisionem suis excusis Operibus attexuit. Claudio Grafsé secundum regulam vulgarem in Gallia regno receptissimam, *Nullitatis in Gallia nulla habetur ratio*, Literas Cancellarie, ut contra hanc donationem restitueretur obtinuerat. Itaque inter ambos fratres de vi harum Literarum coram Senatu Provincie litigatum est. Allegabat Henricus matrimonii privilegium, ejus gratia nec ipsa mulier dotans Vellejani privilegio adjuvatur. Proferebat donatorem expresse renuntiisse minoris etatis privilegio, praesente & consentiente curatore, adhibito etiam jurejerando. Item mulierem non posse restitui, si semel Vellejano renunciaverit, l. ult. §. ult. D. ad Vellejan. Denique contra hanc etatis restitucionem proferebatur lex *Hoc jure*, §. ult. D. de donat, statuens irrevocabile esse quod datum fuit sub conditione mox adimplenta, ut evenit in hoc Matrimonio.]

A A a a a III. A

**I II.** At verò donatio causâ mortis potest à donatore quandomcumque voluerit revocari, l. *Mortis causâ* 4. D. de donat, causâ mort. Nec tantum per expressam donatoris voluntatem revocatur, verùm etiam per tacitam significationem; ut si quis rem à se mortis causâ donatam transferat in alium, l. *Illud*, D. de donat, causâ mortis.

**I V.** Quod spectat ad donationem inter conjuges viventes factam, hæc invalida communī jure censetur, cap. fin. de donat. int. vir. & uxor. & l. 1. D. cod. Ne ( ait lex ) *conjuges mutuo amore se spolient*: quæ causa honesta est. Verùm contraria plerumque urget causa evitandæ coactionis & malæ stationis, quam facile suadere posset alterius conjugum vesana cupiditas, aut saltem causa frequentis & odiosæ importunitatis. Idcirco non solum expressa, sed etiam tacita revocatione donatio conjugum facile dissolvitur. Verùm si conjunx donator nullatenus revocet, adveniente demum ejus morte, & altero conjugum superstitæ validitatem sortitur, l. 1. & 3. & l. *Donationes*, C. de donat. int. vir. & ux. & d. cap. fin. eod. tit. Nec solum talis donatio viventibus conjugibus invalida est, si fiat post matrimonium ratum, verùm etiam facta ante matrimonium, sed dilato ejus effectu postquam matrimonium ratum, contractumque fuerit, l. *Quod sponsa*, C. de donat. ante nupt. Nam idem est facere tempore prohibito & inhabili, & differre obligandi vim ad tempus prohibitum & inhabile, l. *In tempus*, D. de heredit. instit.

**V.** Secus tamen statuendum in aliis à donatione contractibus, ut sunt venditio, locatio, permutatio, &c. Tum quia sola inter conjuges donatio prohibetur: tum quia venditio inter eos expresse confirmatur, l. *Si sponsus*, D. de donat, in vir. & ux. Excipitur tamen illa venditio quæ fieret animo donandi, vel condonandi pretium, aut notabilem pretii partem, d. l. *Si sponsus*, §. *In venditione*.

**V I.** Donationes inter conjuges adeo morte donantis confirmantur, ut ad tempus retrotrahantur quo factæ fuerunt, perinde ac si tunc valuerint: & consequenter fructus omnes post donationem percepti pertinent ad donatarium conjugem superstitem. Ita tradit *Glossa* in l. *Talis scriptura*, §. *Universa*, D. de legat. 1. Covarruvias de testam. rubrica parte 3. num. 3. Julius Clarus §. *Donario*, quest. 9. in fine, attestans hanc esse communem Doctorum sententiam.

**V II.** Valet quidem à patre facta donatio filio emancipato, sed non valet facta filio quem sub sua potestate haber, l. 2. C. de inoffic. donat. & l. *Donationes quas*, C. de donat, inter vir. & ux. Valet tamen donatio patris facta liberis quos in potestate habet, duobus casibus, scilicet causæ donati pro filia, & causâ donandi filio propter nuptias, l. *Pomponius Philadelphus*, D. familiæ erciscundæ. Baldus in l. *Pactum*, C. de collat. Ad donationem propter nuptias reducitur titulus patrimonii constitutus à patre filio Clerico, ut possit ad sacros Ordines promoyer, per quos Clericus contrahit: